



**BOSNA I HERCEGOVINA
FEDERACIJA BOSNE I
HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-11-5- 2797 /23

Datum: 27.12.2023. godine

Na osnovu člana 30. Statuta Općine Tešanj ("Službeni glasnik Općine Tešanj" broj 11/07), te na Osnovu Odluke OV-a Tešanj o kriterijima, načinu i postupku raspodjele sredstava udruženjima i fondacijama, broj: 01-02-1-712/16, od 31.03.2016.g. (Sl. Glasnici Općine Tešanj 9/5 10/11 i 3/16) Općinski načelnik objavljuje:

JAVNI POZIV

za kandidovanje projekata udruženja i fondacija koje će finansirati Općina Tešanj u 2024. godini

1. Pozivaju se udruženja i fondacije, koja su registrovana u BiH, ili u FBiH, sa sjedištem ili aktivnostima na području općine Tešanj, da kandiduju projekte koji bi se finansirali iz Budžeta Općine Tešanj za 2024. godinu.
2. Uslov za korištenje sredstava Općine Tešanj je da se projekat djelimično ili u cijelosti, implementira na prostoru općine Tešanj, te da je usmjeren na realizaciju ciljeva iz strateških dokumenata Općine (Posebnu pažnju prilikom razmatranja će imati projektni prijedlozi na temu kulture, sporta, mladih, ekologije, marginaliziranih grupa i žena).
3. Projekti moraju biti napisani na predviđenom obrascu, koji se može preuzeti na web stranici Općine www.opcina-tesanj.ba, moraju biti precizni, konkretni i jasni, te sadržavati sve elemente koji bi mogli potvrditi njihovu praktičnu i društvenu opravdanost i efekte.

Pored toga prijava mora sadržavati:

- a) Aktuelni izvod iz Registra Udruženja resornog Ministarstva za pravosuđe i upravu ZDK, ne stariji od 6 mjeseci (Može se dostaviti do potpisivanja Ugovora o dodjeli sredstava),
 - b) Dokaz da je organizacija obezbijedila dio sredstava iz drugih izvora za program ili projekat koji se sufinansira, ili izjava ovlaštenog lica da udruženje ili fondacija nije dobila sredstva od drugog donatora za dio projekta, ili programa, koji se kandiduje za finansiranje,
4. Uz projekte dostaviti finansijski i izvještaj o radu za 2023. godinu, na propisanom obrascu, bez kojeg se neće razmatrati zahtjevi za sredstva u 2024. godini. Sportska društva i klubovi dužni su dostaviti i popunjene upitnike za sportske klubove, a sva ostala Udruženja upitnike iz njihovog domena koji se nalaze uz Obrazac za apliciranje. Ukoliko je Izvještaj za cjelokupni projekat dostavljen ranije, potrebno je samo naznačiti, nije potrebno dostavljati novi.

Ostali eliminatorni kriteriji su:

- a) Nedostatak formalnih uslova za kandidovanje (nepotpuna, netačna ili neblagovremena prijava);
- b) Aktivnosti predviđene projektom već postoje, ili nije dostavljen adekvatan izvještaj.

5. Kriteriji za ocjenu projekata sadržani su u odlukama Općinskog vijeća. Jedan aplikant može podnijeti maksimalno tri prijave po ovom javnom pozivu. **Minimalna vrijednost aktivnosti i troškova predviđenih projektom 1.000,00 KM. Trajanje projektnih aktivnosti predviđenih projektom mora biti razrađeno na minimalno 3 mjeseca. Projekti koji budu podsticali programe iz LGAPa (Lokalni gender-akcioni plan), mogu dobiti dodatnu podršku i bodove prilikom razmatranja od strane Komisije.**

6. Prvi dan Javnog poziva je **petak 29.12.2023.godine. Krajnji rok za prijavu projekata je ~~petak~~ 26. januar 2024. godine i to je ujedno i zadnji dan prijema zahtjeva.**

7. Projekti se podnose u zatvorenoj koverti sa naznakom "KOMISIJI ZA OCJENU PROJEKATA UDRUŽENJA I FONDACIJA" na adresu: Služba za društvene djelatnosti i investicije Tešanj, Trg Alije Izetbegovića 1, 74260 Tešanj.

8. Za sva udruženja i fondacije koja se žele dodatno informisati bit će organizovan **Dan otvorenih vrata, u ponedjeljak 08. januara 2024. godine u 15.30 sati u Općini Tešanj.** Osim predstavljanja javnog poziva, bit će omogućeno da se postavljaju pitanja u vezi pripreme prijave i aplikacija.

Dostavljeno:

1. Mediji
2. Oglasna ploča
3. Arhiva



OPĆINSKI NAČELNIK
Mr. sci. Suad Huskić